

皇宋十朝綱要

皇宋十朝綱要卷第六

眉山李奎編

仁宗

甲申慶曆四年 契丹主宗真重熙十三年

正月丙子南環州進士區希範與其叔正諱立蠻酋
蒙廷為主攻陷本州及鎮寧州殺官吏

二月甲寅罷陝西四路馬步軍都部管經畧安撫招
討使復置逐路都部管經畧安撫招討使

三月乙亥用范仲淹議詔諸州縣皆立學本道使者

選屬部官為教授三年而代進士試三場先策論次
詩賦通考為去取而罷帖經墨義右侍禁李德用
擊區希範于韓婆嶺希範入保荔波洞間出拒官軍
四月壬子以錫慶院為太學尋罷之

五月丙子詔西川知州軍監罷任未出川界而卒者
錄其子孫一人丙戌元昊始遣人來復稱臣號夏

國主

六月丁酉降勅勝下知潭州劉沆招前桂陽徭賊
丁未開寶寺塔火壬子叅知政事范仲淹宣撫河

南陝西

七月癸未契丹遣使來告以舉兵討元昊 丙戌詔
諸路轉運提點刑獄司察所部知州軍知縣：令有
治狀者以聞不如所舉令御史劾之

八月保州雲豎卒殺知州劉繼宗通判石待舉奉都
監韋貴為主乘城拒命 庚子命知成德軍田況發
旁郡兵討之 壬辰樞密副使富弼宣撫河北 甲
寅右侍禁郭達登城諭賊：皆出降況坑其首亂者
四百餘人 乙卯戒飭諸路轉運按察提點刑獄發

摘所部官吏務為苛刻 戊午詔無以輔臣所荐官
為諫官御史

九月辛酉保州平 朝廷許元昊稱夏國主歲賜銀
絹茶綵合二十五萬五千 庚午晏殊罷為工部尚
書知潁州 甲申樞密使吏部侍郎杜衍以本官同
平章事集賢殿大學士

十月己丑元昊始稱臣獻誓表 庚寅賜詔答之
契丹駙馬劉蝦來奔甲午詔械送還之 是月劉沆
大發兵以救榜至桂陽監招降蠻賊二千餘人 癸

丑蠻酋節文志黃文晟黃士元並補官

十一月甲子監進奏院蘇舜欽坐用鬻故帑錢召妓女宴會除名館閣連坐者甚衆 己巳詔戒飭朋黨

庚午詔主將陷沒牙隊並以軍法論 壬午上祀

天地于圜丘大赦

十二月乙未冊命元昊為夏國主更名曩霄 築原

州細骨城

乙酉慶曆五年

契丹主宗真重熙十四年

正月己巳別詔擇地建太學 甲戌罷河東陝西諸

路招討使 乙亥復置言事御史以殿中侍御史梅
摯監察御史李京為之 丙子契丹遣使來告伐夏
國還 丙戌杜衍罷為尚書左丞知兗州工部侍郎
樞密使賈昌朝同平章事集賢殿大學士

二月戊子朔分遣內臣汰諸路歲兵京東西淮南兩
浙荆湖福建諸路州宣殺過三百人者毋得更募
壬辰曩霄初遣人來賀正旦

三月甲子廣西路轉運使杜杞誘區希範蒙廷及其
黨六百餘人悉屠之 丙子詔礼部貢院增天下解

額總諸州軍凡三百五十人

四月丁亥朔日食陰晦不見 辛卯晨宵初遣人來
賀乾元節 戊午章得象罷為使相判陳州賈昌朝
進昭文館大學士工部侍郎參知政事陳執中以本
官同平章事兼樞密使

五月壬戌夏人歸石元孫 己巳罷諸路轉運判官

十月乙卯契丹遣使來獻所獲夏國羊馬九龍車

辛酉祔章獻明肅皇后章懿皇后神主于太廟大赦
以諸路按察使競為苛察罷之 自真宗東封以

來不復出獵直集賢院李東之言講武不可廢庚午
上始校獵于楊村 辛未始頒曆于夏國 唐辰罷
宰相樞密使

十一月辛卯詔京東提點刑獄司体量直集賢院石
介存亡以聞

十二月區希範餘党唐和等復寇桂陽監殺礼賓使
胡元等四人 徐州人孔直溫等謀反伏誅

丙戌慶曆六年 契丹主宗真重熙十五年

二月戊寅青州地震

三月辛巳朔日食 庚寅登州地震海聲如雷炬岬
山震十日不止

五月甲申京師地震 知潭州劉燧奏舉兵擊破徭
賊唐和於銀江源破其巢穴 丁酉京東人劉登劉
沔胡信謀反伏誅

六月丁巳流星出營室大如杯其光燭地隱然有聲
丙子詔自今制科隨進士貢舉著為令仍補近臣
荐論毋得自舉

十月始州知桂陽監宋守信言令本路大發兵討蠻

賊壬申詔知廣州魏瓘專提舉討捕賊遁入郴州
十一月賊由趙峒寇掠英韶州界戊子用三司使
張方平議罷河北推監

丁亥慶曆七年 契丹主宗真重熙十六年

正月己亥頒慶曆編敕

三月癸己以旱災避殿減膳詔中外臣僚上封事

乙未賈昌朝罷為使相判大名府陳執中進昭文館
大學士判大名府夏竦為吏部尚書同平章事集賢
殿大學士未拜改樞密使 己亥罷建州造龍鳳茶

壬寅宰輔以久不雨請罷詔各貶一秩

四月己酉詔以江東轉運使楊紘判官王綽提點刑
獄王昂皆以亟疾苛察相尚時梅三虎京東轉運使
薛紳仕部吏孔宗旦等時號四瞪紘已先黜其神昂
悉降知州綽方居喪候服除取旨自今毋得用為監
司宗旦等並與遠小監當

五月唐和等請降 己丑悉補官充峒主

八月戊午始置天章閣直學士 改文明殿學士為
紫宸殿學士

九月作廣親宅以處秦王子

十一月戊戌祀天地于圜丘大赦 是日貝州宣毅卒王則執知州張得一殺官吏據城反自稱東平王國號安陽改元稱聖

十二月壬寅詔發旁近兵討之 庚戌命樞密直學士明鎬安撫河北

戊子慶曆八年 契丹主宗真重熙十七年

正月辛未夏主曩霄為其太子寧令所殺國人殺寧令立其弟諒祚諒祚甚幼政皆出其母沒藏氏及舅

沒藏訛龍 丁丑叅知政事文彥博請身往破貝州

賊詔彥博宣撫河北改明鎬副之

閏正月辛丑彥博奏克貝州擒王則送京師誅之

丁未彥博為禮部侍郎同平章事集賢殿大學士

辛酉親從卒顏秀等四人夜入禁中謀為變傷宮人
宿衛兵捕殺之

三月甲寅上幸龍圖天章閣出手詔賜輔臣及翰林
學士三司使知開封府御史中丞等問以天下利病
朝廷得失 癸亥又御迎陽門召知制誥諫官御史

等問之皆使條畫以對

夏四月丙子詔科場舊條皆先朝所定宜一切無易
辛卯析河北大名府高陽閭真定府定州為四路
各置安撫使命知大名府真定府瀛州定州者領之
五月己巳改紫宸殿學士為觀文殿學士 辛酉無
雲而震者五上祭樞密使夏竦奏邪以致天變亟罷
之

六月丙子河決澶州商胡埽 丙申初令陝西以大
銅錢一當小錢三小鐵錢三當銅錢一

七月并河東小鐵錢如陝西用之

十月壬午以美人張氏為貴妃 丁亥命屯田員外
郎范祥提點陝西刑獄兼制置解鹽使自推行其法
十二月己丑詔改明年元 丙子詔河北緣邊入中
芻粟者加給南鹽謂之四稅法 是歲河北京東西
大水大飢人相食流殍甚衆

己丑皇祐元年 吳丹主宗真重熙十八年

正月甲午朔日食 辛酉詔自今言事者非朝廷得
失民間利病毋得以風聞彈奏違者坐之

二月丁卯彗出虛 戊辰詔今後轉運使副官滿差
兩制臣僚考校分上中下六等

五月己未契丹遣使來告再伐夏國

六月甲戌始置觀文殿大學士以祥源現使賈昌朝
為之 戊寅詔中書樞密院非眾議毋得通賓客

丁亥用御史陳升之議詔今後臣僚奏乞子孫試館
職者如試中只與轉官或賜出身更不除館閣

八月壬戌陳執中罷為兵部尚書知陳州文彥博進
禮部侍郎昭文館大學士監修國史樞密使宋庠進

兵部侍郎同平章事集賢殿大學士

九月己巳廣南西路奏廣涼州蠻寇邕州

十月壬戌遣兵部副使色孫往陝西與轉運使議定
鹽法

十二月壬戌詔陝西保捷年五十以上及短弱者聽
歸農 是歲簡汰天下羸兵無慮八萬餘人 丁丑
詔陝西徙屯馬軍於近地以省邊儲

庚寅皇祐二年 契丹主宗真重熙十九年

正月壬子復詔河北陝西入中芻粟者令入錢十萬

於京師始薰給南監謂之對帖法

三月己丑詔以大慶殿為明堂 庚子契丹遣使來
告伐夏國還

四月戊辰男子冷清詐稱皇子伏誅

五月丙申罷國信二番使臣 丁未廣西路奏交趾
攻廣源州蠻酋儂智高詔本路嚴脩之

九月辛亥大享明堂以太祖太宗真宗配大赦百官
進級一等 詔內降指揮百司執奏毋輒行敢目緣
于請者諫官御史察舉之

閏十一月丁巳詔中書門下集兩制太常寺官置局
於秘閣詳定大樂 己未詔后妃之家毋得除二府
職任 己未三司使張堯佐為宣徽南院使淮康軍
節度使葉靈宮使 庚申又加群牧使 戊辰御史
中丞王舉正留班庭事復率御史唐介諫官包拯等
於上前極言且於殿廡切責宰相上聞之遣使喻旨
百官乃退

辛卯皇祐三年 契丹主宗真重熙二十年

正月丙子分淮南為兩路江寧府五部並帶提點兵

申盜賊

二月又詔臺諫自今後合班上殿並先申中書取旨

乙酉廣源州蠻僂智高請內屬詔弗受

三月庚申宋庠罷為刑部尚書觀文殿大學士知河
南

五月壬申置三司河渠司

六月無為軍獻芝草三百五十本詔免知軍茹孝標
罪戒州郡自今毋得以聞

七月丁巳兩制礼官上火樂名曰大安 辛酉河決

大名府郭固口 乙丑罷天下長吏貶罷庸者十六人

八月丙戌遣侍御史知雜事李兗等八人安撫体量京東等七路

九月丁丑詔誨讀官當侍誨讀者立侍敕對餘皆賜坐

十月己卯朔始用范祥議詔解益聽通商 殿中侍御史裏行唐介劾文彥博作間金奇錦獻宮掖由此擢為執政上怒甚 丁酉貴介眷州別駕己亥改英

州別駕 庚子彥博罷為吏部尚書觀文殿大學士
知許州樞密使龐籍以行戶部侍郎同平章事昭文
館大學士監修國史

十一月辛亥減漳泉州興化軍丁米 乙亥詔以江
淮荒歉減以今年上供米一百萬石

壬辰皇祐四年 契丹主宗真重熙二十年

正月辛亥徙唐介監郴州酒稅 丙寅詔御史臺諫
院務盡鯁直以箴闕失 乙亥塞郭固口

二月議開六澤河以分水勢 己亥詔知博州蔡挺

與入內都知張惟吉同議利害以聞

三月甲寅罷江淮兩浙荆湖所增米鹽錢 丙寅用
鄧延鈐轄郭諮議置獨轅弩軍

四月廣源州蠻儂智高反襲陷橫山寨

五月乙巳朔陷邕州殺知州陳洪自稱仁惠皇帝改
元啟曆引兵沿江東下遂連陷橫貴襲藤梧封康端
八州圍廣州

六月乙亥起前衛尉卿余靖安撫湖南直史館楊敞
安撫廣南 庚辰改余靖知桂州 庚寅廣惠州提

舉從賊武日宣惠州巡檢魏承憲擊智高於廣州城
下死之

七月余靖魚經制廣東路盜賊 番禺令蕭注募強
壯二千餘人以海船集上流縱火焚賊舟大破之
壬戌智高引衆去廣州廣東兵馬鈐轄張忠知英州
蘇緘邀擊賊兵于路田忠戰歿 甲子廣東兵馬鈐
轄蔣偕擊賊兵于路田戰敗巡檢楊達等五人皆死
八月改知秦州梁沔為湖南江西路安撫使許便宜
從事尋又兼廣東西路

九月戊申智高襲符偕於賀州太平楊叔之莊宅副
使何宗古等皆殺 庚申廣西兵馬鈐轄王正倫擊
智高于昭州館門驛戰殺智高遂陷昭州 庚午命
樞密副使狄青宣撫荆湖路提舉廣南經制賊盜事
將兵討智高

十月丁丑智高陷賓州 甲申復入邕州

十一月壬寅朔日食 交趾李德政請發兵二萬助
官軍討儂智高

十二月壬申朔廣西兵馬鈐轄陳曉擊智高兵敗于

金城驛 壬辰知制誥王洙等獻新樂

癸巳皇祐五年 契丹主宗真重熙二十二年

正月丁未詔交趾毋出兵 陳曉以步卒八千犯賊

潰于崑崙關軍士皆遁 己酉狄青至賓州斬曉及

殷直裘用等三十三人 丁巳會靈觀火 戊午狄

青敗智高于歸仁鋪大破之斬首五千餘級智高棄

邕州奔大理己未青按兵入城智高自起至平凡一

年

三月壬子陝西轉運使范祥城古渭州青唐羗惡之

攻破廣吳嶺堡圍啞兒寨丁巳命秦鳳路部官劉復
將兵擊破之甲子奉太祖太宗御容赴滁并澶州
神御殿丙戌作集禧觀成即會靈

五月乙巳詔輔臣凡有軍國大政邊防重事俟前殿
退許復對後殿戊申詔禁諸路轉運使括民取羨
餘以助三司

閏七月戊辰詔自今內侍供奉至黃門以一百八十
人為額壬申龐籍罷守戶部侍郎出知郢州判大
名府陳執中加吏部尚書同平章事昭文館大學士

叅知政事梁適為礼部侍郎同平章事集賢殿大學士城古渭州建以為寨

八月壬戌詔南郊以太祖太宗真宗並侑

九月乙酉召近臣觀新樂于崇政殿

十月丙申朔日食

十一月己巳祀天地于圜丘大赦詔開封府諸縣二稅永減三分

十二月壬戌以曹陳許鄭滑州為輔郡隸畿內置京畿轉運使丁酉廣南西路奏復儂智高母及其子

第 癸丑詔內侍省都知押班須年五十以上愿任
無賊私罪者乃得為之

甲午至和元年 契丹主宗真重熙二十三年

正月癸酉貴妃張氏薨 丁丑追冊為皇后賜諡溫
成

三月庚辰降德音改元

四月甲午朔日食 辛丑祥源現火

七月戊辰梁適罷守礼部侍郎知鄭州上在古或言
御史馬遵呂景初吳中復摺拾宰相所論事皆不實

己巳出遵知宣州景初通判江州中復通判虔州知
制誥蔡襄繳還詞頭論三人者無罪御史中丞孫抃
累奏乞召還遵等翰林學士胡宿曰召對乞留遵等
退又上疏極言之皆不報

八月丙午叅知政事劉沆以工部侍郎同平章事集
賢殿大學士

九月命沆為溫成監護使孫抃率其屬言不可且言
立廟建陵皆非礼章累上不報曰請對固爭抃伏地
不起帝改容遣之

十月辛丑詔川陝選人自今並聽奔喪

十一月辛酉同知太常禮院吳充題真卿以禮直官
輒預書填印狀通奏言溫成廟當用樂舞牒送開封
府按罪執政恕之由是充出知高郵軍真卿知淮陽
軍同修起居注馮京上疏言充真卿不當補外言甚
切乙丑落起居注時諫官范鎮御史趙抃亦皆上疏
言青兗等非是不報

十二月癸丑詔內近侍傳宣令都知司劄報被受者
覆奏

乙未至和二年 契丹主洪基清寧元年

四月己亥契丹主遣使以其画像來獻求易御容以
代相見為兄弟之情 辛亥初罷諸鄉里正以貨產
排鄉戶衙前

五月辛酉詔中書公事自今並用祖宗故事施行

六月御史中丞孫抃殿中傳御史趙抃前後上疏論
陳執中罪惡甚衆戊戌執中罷為使相判亳州知永
興軍文彥博為吏部尚書同平章事昭文館大學士
南宣徽使判并州富弼為戶部侍郎集賢殿大學士

劉沆加兵部侍郎改監修國史 懷智高死于大理
己巳誅其母及其子弟

七月詔兩制兩省以上如有公事欲見執政許就白
于中書省樞密院毋得詣私第 甲子詔宰相自外
召入者令百官班迎自內拜者聽行上事儀

九月辛巳罷輔臣宣徽節度使乾元節任子思 辰
州蠻酋下漢州刺史彭仕義之子師寶來奔荆湖北
路轉運使李肅之等納之以為向导出兵擊仕義不
克自是仕義數入寇

十月癸丑詔湖北廣西路發兵討之

十一月己巳交趾來告李德政卒乙亥授其子日尊
本道節度交趾郡王

十二月戊子命殿中丞李仲昌開六漈渠道河入橫
隴故道 壬子作醴泉觀成 是年八月契丹主宗
真殂在位二十三年庙號興宗子洪基立改元清寧
丙申嘉祐元年 契丹主洪基清寧二年

正月甲寅朔御大殿慶受朝前一夕大雨雪折梁桷
帝跣禱而霽是日暴感風眩不豫

二月甲辰御延和殿上康復

四月壬子朔李仲昌等初塞商湖河北流使悉東入
六深是夕復決如故自是朝廷但治西堤以衛北京
及契丹國信路不復治東堤

五月丙辰裁定補蔭選舉之法 京師自五月大雨

不止水注安上門、閘折壞官私廬舍數萬區命內
府分行諸門禦水河東北京東西陝西湖北面川路
亦奏河江決溢河北尤甚

六月己亥水壞太社太稷壇 戊寅遷知制誥韓絳

體量安撫河北 己卯詔群臣實封言時政闕失

七月辛巳朔詔三司開封府臺諫官審刑院復上殿
奏事仍日引一班自上不豫惟二府得奏事至是始

引對群臣 有芻出紫微垣長丈餘 環州小過等

族叛知州張揆發兵擊之俘斬千餘人餘黨悉降

八月庚戌朔日食 罷陝西小錢錢 癸亥芻減

戊寅詔招安彭仕義

九月辛卯上共謝天地于大慶殿大赦改元 癸卯

自京至泗州置徒河水岸

十二月壬子劉沆罷為工部尚書觀文殿學士知應天府

丁酉嘉祐二年 契丹主洪基清寧三年

二月河東經略使龐籍上言西夏累歲侵耕屈野河西地請禁河東陝西與之和市從之

三月御殿試礼部奏名進士是歲進士與殿試者始皆免黜落

四月大咽僦師旦請降詔皆補官

五月庚辰龐籍用通判并州司馬光及知麟州武戡

議增築河西白草平兩堡既興役戡與管麟府軍馬
公事郭恩往按視與夏人遇戰于斬道塢軍敗恩死
之戢走趣城東扶門以入虜執走馬承受黃道元既
而遣還 己亥初令文武官毋得自乞磨勘歲令番
官三班院舉行

六月丁巳詔自今應制科者並聽待制以上奏舉毋
得自陳內草澤人許本路轉運使奏舉進用差次毋
得引舊例超擢

七月辛卯令翰林學士承旨孫抃御史中丞張昇磨

勘諸路轉運使提點刑獄課績

八月乙巳朔詔編集樞密院机要文字樞密副使稽
勣提舉 庚戌自今歲賜諸道節鎮諸州錢有差委
長吏選官合藥以救民疾置校正醫書局命直集賢
院掌禹錫四人為校正 丁卯以戶絕田所輸之課
置廣惠倉詔提點刑獄專領之

九月庚子契丹遣使以新主画像來求御容許之
十月丙午頒嘉佑祿令

十二月戊申詔自今間歲貢舉天下進士諸科解舊

額之半置明經科罷說書舉人 辛亥詔學士院承

內降處分自今並閑白中書樞密院

戊戌嘉祐三年 興丹主洪基清寧四年

正月戊戌鑿永通河于京城之南

四月乙丑罷睦親宅祖宗神御殿

六月文彥博罷為使相判河南富弼加礼部尚書進

昭文館大學士樞密使韓琦以工部尚書同平章事

集賢殿大學士 丁卯交趾貢異獸

七月丙戌廣濟河溢 河決汴堤長城口

八月己亥朔日食 官軍討彭仕義久不克辰澧州
體量盜賊雷簡夫督諸將進兵築明溪上下二寨據
其險要士義計窮 庚申士義歸所掠請降自是奉
貢職如故 是月立定武官橫行員數

九月癸酉議罷榷茶法即三司置局

十月癸亥除河北坊郭客戶乾食鹽錢

十一月癸酉命翰林學士韓絳等同三司詳定減省
冗費于是置省減司 己丑置都水監罷三司河渠
司 庚寅初令汴舡毋得出江

閏十二月丁丑裁定進士高第人恩例
癸亥嘉祐四年 契丹主洪基清寧五年

正月甲申朔日食

二月己巳詔除江淮茶禁聽民通商收稅歲為錢三
十三萬八千有奇罷十三山場六榷務 甲戌廣西
路奏交趾寇欽州思稟峒十九村 丁丑置館閣編
定書籍官以祕閣校理蔡抗陳襄等為之 乙亥以
廣惠倉隸司農寺 己卯詔陝西大銅錢並當錢常
之二

四月癸酉封柴氏復為崇義公奉周祀

五月戊戌詔舊制兩制臣僚不許詣執政私第執政常所舉不得為御史其悉除之 庚子詔入內內侍省權罷進養子 丁巳詔江寧府楊廬洪潭越福州並兼本路兵馬鈐轄

六月置館閣編校書籍官以太子中允王陶等為之館閣編校書籍自此始 丁丑詔諸路轉運使凡隣路州災傷而輒閉糴者以違制坐之

七月驍騎張玉坐突入三司詔詈三司使色怒杖死

九月丙午詔帶閣門祇候使臣內殿崇班以上太子
率府率及正制史以上遭父母喪並聽解官行服宗
室解官仍給全俸

十月癸酉大禘于太廟大赦 是歲初以諸坊監及
諸軍牧馬所用餘田賦貧民耕種

庚子嘉祐五年 契丹主洪基清寧六年

正月有星墜西南光燭地有聲如雷占者曰天狗河
北都轉運使韓贄穿四界首二股渠分河流入金赤
河

四月丙戌命三司使包拯等同議均天下田稅
五月戊子詔今後臣寮于內侍省御藥院內東門投
進文字者令逐處申中書再取旨 丁酉置寬恤民
力司

六月乙丑詔戒上封者告訐人罪或言赦前事反言
事官彈劾小過不關政体者 乙亥遣官分行天下
訪寬恤民力事 戊寅廣西路奏交趾與甲峒蠻寇
邕州

七月癸巳詔知廣州肅固等發兵討之 知唐州趙

尚寬始勸民墾闢荒田諸路民多歸之

八月乙亥命集賢院學士余靖体量安撫廣西發兵討甲峒蠻 甲申初置陝西監牧估馬司以轉運使薛向專領之 乙酉罷諸路同提點刑獄使臣置江南東西等十一路轉運判官

十一月辛卯詔御藥院內臣如當轉出外而特留者俟其出計所留歲月優遷之毋得累寄 遷資序

辛丑嘉祐六年 契丹主洪基清寧七年

正月己未詔兩制自今亦許與臺官相見

三月己亥富弼丁母喪去位 庚子罷大燕

四月辛酉諫官唐介趙抃御史范師道呂誨坐論樞
密副使陳升之皆罷言政升之亦出知定州

五月丙戌官諸路所推遣行義文學之士願復等七
人詔禁契丹於界河捕魚

六月壬子朔日食

八月丁丑頒行新定轉運使副提點刑獄考績院條
制

閏八月庚子韓琦加刑部尚書進昭文館大學士監

修國史樞密使曹公亮加吏部侍郎同平章事集賢殿大學士

九月丁丑城豐州

十月壬辰以太宗曾孫前右衛大將軍岳州團練使英宗藩邸旧名為奉州防禦使知宗正寺鐸以喪不拜

壬寅嘉祐七年 契丹主洪基清寧八年

正月己亥詔南郊以太祖配為定制 改溫成皇后廟為祠殿

四月壬午頒嘉祐編敕

八月丙子帝謂輔臣曰朕享國日久而皇嗣未立皇

姪英宗諸少養宮中朕之所愛今欲以為皇子是日

出手札付中書樞密院 己卯下詔立為皇子固辭

不受辛丑始入宮 癸未改賜皇子名 辛丑皇子

以肩輿入內 甲辰見上于清居殿

九月辛亥大享明堂祀昊天上帝五方位以真宗配

以五人帝五官神從祀餘皆罷 大赦

十月壬午詔后妃封贈皆及三代 乙酉火峒蠻獠

宗旦等請內屬 乙未詔以錢一百萬緡賜諸路常

平倉為余本

十二月丙申幸龍圖天章閣召輔臣按官諫官御史
皇子宗室等觀祖宗御書又幸寶文閣為飛白書分
賜從臣遂燕郡王殿庾子再召從臣于天章閣覲瑞
物復燕群玉殿賜禁中花金盃香藥又召韓琦至御
榻前別賜酒一卮

癸卯嘉祐八年 契丹主洪基清寧九年

二月癸未上不豫

三月辛未崩于福寧殿

四月壬申朔未明輔臣入至寢殿 皇后定議召皇
子入諭以遺詔即皇帝位上固避數四左右被以御
服掖就御榻 癸酉大赦百官進官一等上欲亮陰
三年命韓琦攝冢宰輔至皆以為不可乃止 乙亥
上不豫 丙午尊皇后曰皇太后 乙卯詔候聽政
日請皇太后權同處分 壬午輔臣入對于桑儀殿
西問皇太后御內東門小殿垂簾輔臣覆奏政事
庚子立皇后尚氏
五月戊辰初御延和殿

六月癸酉復以疾不出 丁丑廣太廟為八室 戊寅命三司使蔡襄為修奉太廟使

七月壬子始御紫宸殿退御垂拱殿中書樞密奏事帝自六月癸酉不御殿至是始見百官

八月甲申環慶路奏夏人犯邊

十月乙酉修太廟成 甲午英仁宗于永昭陵十二月乙巳初御通英閣召侍臣講讀經史

皇宋十朝綱要卷第七

眉山李奎編

英宗體乾膺應隆功盛德憲文肅武睿神宣孝皇帝諱
曙濮安懿王第十一子母曰王夫人任氏天聖十年
壬申歲正月三日生於宣平坊宅景祐二年養于禁
十三年授太子左監門率府副率賜名宗寔累遷右
千牛衛大將軍寶元二年出居睦親宅皇祐二年遷
左衛大將軍岳州團練使嘉祐六年十月辛卯起復
遷泰州防禦使知宗正寺固辭不拜七年八月戊寅

立為皇子癸未改今諱九月遷齊州防禦使封鉅鹿
郡公入居皇子位八年四月壬申即位年三十二治
平四年上尊號曰體乾膺歷文武皇孝是月八日崩
于福寧殿年三十六八月二十七日葬永厚陵謚曰
憲文肅武宣孝廟號英宗元豐六年十一月如今謚
年號一

治平四

皇后一

宣仁聖烈皇后高氏

忠武軍節度使贈太師尚書
令燕中書令衛王瓊之曾孫

明妃三

貴儀

張氏

初封仁壽
即君元豐
八年四月
為才人

進脩容政和元年
十月平贈貴儀

建雄軍節度使贈尚書令康王純懿之孫北作
坊副使贈太師開封儀同三司陳王遵甫之女
慶曆七年三月帝后治平二年十一月行冊禮生
年四月立為皇后治平二年十一月行冊禮生
賢神宗皇帝吳王顥王碩惠和明憲
太后居寶慈宮熙寧二年四月行冊禮元豐八年
年三月一日詔應軍國事植同行處分五日遺
制尊為太皇太后應軍國事權同行處分元祐
一尊為太皇太后應軍國事權同行處分元祐
謚曰宣仁聖烈九年八月九月三日崩年六十二
陪奠永厚陵祔太廟英宗室

皇子三

昭儀鮑氏

初封永嘉郡君元豈八年四月為才人

昭儀

脩容張氏

初封平昌郡君元豐八年四月為才人

進脩容

吳

王景初名仲亂嘉祐八年四月自右內率府副

現案使封和州防禦使樂安郡公八月遷明州

同中書門下平章事保寧軍節度使東平郡王

四年正月加檢校太尉武昌武安等軍節度王治

封昌王九月徙泰寧鎮海軍節度進

平四年九月神宗即位改武昌武安等軍節度使

遷檢校太尉進封昌王九月改泰寧鎮海軍節度使

封岐王元豐三年九月官制行
司遷守司空進封雍王哲宗即位改德橫
海軍遷守太保真定尹遷封揚王賜背拜不名
十二月改永興鳳翔等軍遷守太傅加京兆鳳
翔牧元祐元年四月遷守太師進雍州鳳
三年八月遷進封徐王四年九月賜詔書不召
年三月遷守太尉封英王昭聖二年九月賜入
朝不趨十月改淮南荆南揚州荆州牧進封楚
王三年九月薨贈太師尚書令兼中書令美州
牧進封燕王諡曰榮比美四臨其喪元符三年

三月追封吳王
封三月追封吳王

潤王顏太師尚書令追封潤王
潤王顏太師尚書令追封潤王

益王顧初名仲恪嘉祐八年四月自右內率府副
益王顧初名仲恪嘉祐八年四月自右內率府副

命現案使鄂國公治平元年六月遷左衛上將軍
命現案使鄂國公治平元年六月遷左衛上將軍

公主四

魏楚國大長公主

嘉祐八年五月封德寧治平三年

將軍王師約治平四年正月封徐國十月降左衛
元豐八年三月十一日追封燕國大長公主賜諡惠
和元祐四年十一月追封秦國元符三年三月
追封魏國崇寧五年四月追封韓魏國大觀四月

平章事武勝軍節度使封宗安郡王九月加興
元尹克山南西道節度使改封高溪郡王
四年二月徙保信保靜軍節度進封嘉王元豐
三年九月官制行換開府儀同三司進封曹王
哲宗即位改武昌武安等軍進守太保進封荆
王賜贊拜不召元祐元年二月改武寧鎮海等
運使守太傅四月改元祐元年二月改武寧鎮
真定江陵戶三年七月薨贈太師尚書令荆
徐州牧進封魏王諡曰端獻比英三臨其
喪元符三年三月贈兼中書令進封益王

魏

年三月追封魏楚國政和四年
十二月改封惠和大長帝姬
國大長公主嘉祐二年五月封賓安治平四年

七月改蜀國降左衛將軍王統元豐三年五月
堯追封越國賜諡賢惠元佑元年十一月追封

大長公主元符三年三月閏四月追封秦國政和元年
三月追封荆國二年閏四月追封魏國四年三年

五月追封賢惠大長帝姬
五年正月改封明惠

韓

魏國大長公主年正月改封祁國長公主熙寧

三王四月改衛國五月降左衛將軍張毅禮元

豐八年四月進封真國大長公主昭聖二年十月
月改秦國元符三年二月改魏國三年七月進封韓

魏國政和三年閏四月改封賢德
懿行大長帝姬宣和五年特改封賢德

舒國大長公主

早薨元符三年追封舒國大長帝姬

宰相二人

韓琦

曾公亮

參知政事二人

歐陽脩

趙鼎

樞密使三人

張昇

富弼

文彥博

樞密副使五人

王疇

呂公著

胡宿

吳奎

陳升之

同簽書樞密院事一人

郭達

使相十人

皇伯允弼

皇叔允良

皇叔允初

曹佺

賈昌朝

富弼

宋庠

張昇

李日尊

文彥博

三司使三人

蔡襄

呂公弼

韓絳

學士院九人

王珪

賈黯

范鎮

蔡襄

馮京

王疇

張方平

錢明逸

沈過

舍人院十二人

王安石

鄭獬

錢公輔

張璪

祖無擇

邵必

王陶

沈過

宋敏求

韓繼

蔡抗

邵亢

御史中丞四人

王疇

唐介

賈黯

彭思永

諫官十人

王陶

呂誨

傅堯俞

邵必

蔡抗

司馬光

陸詵

李受

邵亢

傅卞

御史二十二

趙賄

王疇

傅堯俞

唐介

趙鼎

龔鼎臣

林文年

呂大防

賈黯

呂誨

彭思永

范純仁

孫昌齡

郭源明

蘇棗

黃照

吳申

蔣之奇

馮黼

劉庠

韓鎮

陳經

進士

治平二年取進士彭汝礪等二百人

治平四年取進士許安世等二百五十人

外改廢置州府

治平二年升齊州為興德軍

治平四年復綏州

誕節

壽聖

神御殿

治隆

子

子

英宗

甲辰治平元年 契丹主洪基清寧十年

正月丁酉朔改元 辛酉以仁宗配明堂 甲寅以
知唐州趙尚寬脩復渠堰增佃者二千餘戶進一官
賜錢二十萬

四月甲午始出幸寺觀祈雨上久不豫至是士庶瞻
望誼呼相慶

五月己亥潘三股五股河 戊申皇太后出手書還
政 庚戌上始日御前後殿視事如故 丙辰上皇

太后宮殿名曰慈壽 睦親宅廣親宅教授舊六員
六月己亥詔增置講書教授凡二十一員 丁未增
置同知大宗正事一員 辛亥作睦親廣親宅於芳
林園

八月丙辰貶入內內侍省都知任守忠為保信軍節
度副使新州安置

九月夏人數寇秦鳳涇原詔遣文思副使王無忌齎
詔責之

十一月乙亥遣官分詣陝西取戶三丁之一刺以為

義勇軍凡十三萬八千四百六十五人賜錢二千

戊寅復內侍養子令

乙巳治平二年 契丹主洪基咸雍元年

三月己巳頒明天曆

四月戊戌詔禮官及侍制以上議崇奉漢安懿王典禮
丙子詔自今皇子及宗室屬早者勿授以檢校
師傅官 是月岢嵐軍毀契丹新立堡塞 詔河東
經畧司遣官與契丹議疆界

八月庚戌京城大水入宮城壞公私屋舍溺死者千

五百八十人 乙未詔中外臣寮並許上寔封言時
政闕失及當世之利害

十月己亥朔廝囉卒重造襲位其弟瞎毡磨毡角各
擁衆據城邑於是喃氏地分為三 初娶宗室女者
除文官娶主婚者訪問家世不復使內侍省覆聽

十一月壬申上祀天地于圜丘大赦

丙午治平三年 進主洪基咸雍二年

正月癸酉契丹國號改稱大遼 丁丑皇太后出手
書付中書門下令上于濮安懿王稱親尊濮安懿王

為濮安懿皇王氏韓氏任氏並稱后是日上出手詔
止稱親仍辭追崇之命 辛巳詔避濮安懿王諱
御史呂誨范純仁呂大防等坐論執政欲追尊濮王
事皆罷言職

三月庚申彗星辰見于室 辛酉諫官傅堯俞御史
趙鼎趙鼎亦坐論濮王事繼罷 辛巳彗昏見于昴
如太白長丈有五尺壬午亭于畢如月

五月乙丑彗沒 戊辰帝謂宰相曰朕欲與公等從
容日講治道中書常務可歸諸有司自是小事以狀

奏有定制者付有司行之

九月壬子朔日食 癸亥詔待制以上六歲一遷至
諫議大夫止京朝官以上四歲一遷至少卿監限七
十員缺則以郎中次補之其擢任有功若特恩皆不
用此法 庚辰詔自今妃嬪公主以下非有服親若
有服親之夫毋得奏荐 夏人舉兵寇大順城環慶
經畧使蔡挺使蕃將趙明與官軍合擊却之夏主諒
祚中流矢遁去又寇柔遠寨副都總管張王擊敗之
十月癸未遣西京左藏庫副使何次公齎詔責之夏

主諒祚謝罪梅遼吏所為 丁亥詔礼部三歲一貢
舉 命簽書樞密院事郭遼宣撫陝西 甲午詔宰
臣叅知政事舉才行士可試館職者二十人
十一月戊午上不豫

十二月壬寅立皇子穎王 為皇太子癸卯大赦
丁未治平四年 遼主洪基咸雍三年

正月辛亥詔民間先私造寺觀及三十間者悉存之
賜名壽聖 丁巳上崩于福寧殿遺制皇子即皇帝
位尊皇太后為太皇太后皇后為皇太后

二月乙丑立皇后向氏 戊子進李日尊為南平王
壬辰詔自今尚帝女者毋得躡升尊行令公主行
見舅姑之禮

三月戊子御史中丞彭思永御史蔣之奇以論叅知
政事歐陽脩惟箚事不寔思永降知黃州之奇監道
州稅 甲寅陝西宣撫使郭達奏蕩平黨今征築擦
吳州青雞川二堡

閏月甲申夏國主諒祚遣使謝罪 庚子詔中外直
言當世之務及朝廷闕失 築嘉原堡

四月辛酉詔内外上封事令張方平司馬光詳定以
聞 丙寅分遣天章閣侍制孫永等四人体量安撫
陝西河北京東京西路 庚午御史中丞王陶坐劾
宰相韓琦不押班出知陳州 詔建寶文閣藏仁宗
御集

五月癸未詔春分秋分後辰時上垂拱殿視事未退
宰臣更不過文德殿押班 乙巳詔寶文閣置學士
直學士待制官以翰林學士呂公著知制誥邵必同
知諫院傳卞為之 辛未詔天下官吏有能知徭役

利病可議寬減者是封以聞役法之議始于此 乙
亥以御史張紀言詔中書樞密院細務各歸之有司
八月戊午復西夏和市 癸酉英宗皇帝于永厚
陵

九月壬午祧僖祖及文懿皇后 辛丑韓琦罷為守
司徒兼侍中使相判相州

十月己酉初御通英閣召侍臣講讀 甲寅賜翰林
學士司馬光資政通鑑序 癸酉知青澗城种諤舉
兵復綏州虜將寇名山迎降

十一月戊寅詔以星變地震令百僚轉對極論時政得失丙戌詔二府初拜各舉所知自今宜各言其人才業所長堪任何事癸卯夏人誘殺知保安軍楊定并侍其臻張時庸等

十二月辛酉以來歲日食正旦自己丑避殿減膳罷稱賀壬戌詔起居日增轉對官二人丙寅詔天下以囚死之多寡定更罪具為令丁卯詔中書舉行日食百司守職之法

皇宋十朝綱要卷第七